



Udhëzime për azilkërkuesin: KUR KE PUNË NË DREJTORINË E MIGRACIONIT

Është me rëndësi të dini se

- Informacione në lidhje me lëndën tënde të azilkërkimit nuk japim nëpërmjet telefonit, sepse në telefon nuk mund të verifikojmë identitetin e biseduesit.
- Njoftoju me broshurën [Informacione për azilkërkuesin](#), e cila të është dhënë ty. Shumë informata mund të merren gjithashtu edhe nga faqet tona të internetit: www.migri.fi.
- Nëse ke ndonjë gjë për të pyetur në lidhje me lëndën tënde të azilkërkimit, kontakto së pari me asistentin tënd juridik eventuale ose me punëtorin e Qendrës së pranimit.
- Ti personalisht mund të marrësh të dhëna në lidhje me lëndën tënde nga Drejtoria e Migracionit vetëm nëpërmjet postës, në adresën: Maahanmuuttovirasto, PL 18, 00581 Helsinki.
- Qendra e pranimit nuk vendosë për kërkesën tënde e as nuk mund të ndikojë në shqyrtimin e kërkesës dhe as në marrje të vendimit.

Ke pyetje në lidhje me intervistën tënde për azil

- Drejtoria e Migracionit ta rezervon terminin për intervistë për azil. Ti nuk ke nevojë të kontaktosh Drejtorinë e Migracionit. Prit ftesën, e cila të dërgohet në Qendër të pranimit. Qendra e pranimit ta jep ty ftesën.
- Në ftesë shkruan gjuha e përkthimit, adresa e saktë e vendit të intervistës si dhe koha. Në ftesë nuk shënohet emri i përkthyesit e as i intervistuesit.
- Ndryshimi i terminit të intervistës nuk është i mundur. Nëse p.sh. sëmuresh, kontakto menjëherë punëtorin e Qendrës së pranimit.

Dëshiron të kesh asistent në lëndën tënde të azilkërkimit

- Ti ke të drejtë në asistent juridik.
- Nëse dëshiron asistent juridik, drejtohu në Zyrën për ndihmë juridike. Punëtorët e Qendrës së pranimit të ndihmojnë, në rast nevojë për të gjetur Zyrën e ndihmës juridike.
- Zakonisht asistenti nuk merr pjesë në intervistë. Asistenti merr një kompensim të veçantë për pjesëmarrje në intervistë, vetëm nëse për arsye të forta prania e asistentit është e nevojshme. Asistenti vendosë vet për pjesëmarrjen në intervistë, ndërsa Zyra për ndihmë juridike vendosë se a do t'i paguhet asistentit kompensimi për pjesëmarrje në intervistë.
- Nëse je azilkërkues adoleshent që ke ardhur pa kujdestar, përfaqësuesi yt ta gjen ty asistentin juridik.

Dëshiron të dërgosh ndonjë sqarim shtesë ose të dish se a ka arritur sqarimi që e ke dërguar

- Në rast nevojë, asistenti juridik ose punëtori i Qendrës së pranimit të ndihmojnë për atë gjë.

Ke pyetje në lidhje me të drejtën për të punuar

- Informacionet e nevojshme në lidhje me të drejtën për të punuar i gjen në faqet tona të internetit: http://www.migri.fi/turvapaikka_suomesta/tyonteko-oikeus
- Nëse gjen një vend pune, punëdhënësi yt duhet ta verifikojë që e drejta e jote për të punuar është valide. Punëdhënësi mund ta verifikojë atë gjë nëpërmjet telefonit. Numri i telefonit gjendet në faqet tona të internetit dhe ai është në shërbim vetëm të punëdhënësve.
- Ti duhet t'i tregosh edhe punëdhënësit nëse e drejta e jote për të punuar ka mbaruar.

Pas intervistës për azil dëshiron të dish se në çfarë faze është shtjellimi i lëndës tënde ose a është marrë vendimi tani më

- Në intervistën për azil të jepet një vlerësim mbi kohëzgjatjen e shtjellimit të lëndës, e gjatë asaj kohe nuk jepet më ndonjë vlerësim tjetër.
- Nëse afati i vlerësimit të dhënë ka skaduar, asistenti juridik ose punëtori i Qendrës së pranimit në rast nevojë mund të kontaktojnë Drejtorinë e Migracionit.



- Shtjellimi i kërkesës tënde mund të zgjasë më shumë se sa është vlerësuar. Kohëzgjatjet mesatare të shtjellimit të kërkesave për azil mund t'i shikosh në faqen tonë të internetit: http://www.migri.fi/nain_palvelemme/kasittelyajat.
- Gjendjen e lëndës tënde nuk ia vlen ta krahasosh me tjerët sepse kohëzgjatja e shtjellimit të një lënde varet nga ajo se sa shumë gjëra duhet sqaruar në atë lëndë.
- Nëse ke arsye për të përshpejtuar lëndën, bisedo së pari me asistentin tënd juridik ose me punëtorin e Qendrës së pranimit. Lutja për përshpejtim duhet bërë me shkrim në adresën: Maahanmuuttovirasto, PL 18, 00581 Helsinki.
- Kontaktimet me telefon nuk e çojnë më përpara shtjellimin e lëndës tënde.

Ke pyetje në lidhje me shtjellimin e lëndës tënde pas marrjes së vendimit në Drejtorinë e Migracionit

- Kontakto asistentin tënd juridik ose punëtorin e Qendrës së pranimit.
- Nëse parashtron ankesë ndaj vendimit, në pyetjet tua përgjigjet ajo instancë ku lënda jote është duke u shtjelluar në atë moment, për shembull Gjykata Administrative ose Gjykata Supreme Administrative.